

## Dä vom abbrönnnte Pfarrhuus

Musical score for the song "Dä vom abbrönnnte Pfarrhuus". The score is written in G major (one sharp) and 4/4 time. It consists of five staves of music. The first staff has a treble clef and a key signature of one sharp. The second staff has a treble clef and a key signature of one sharp. The third staff has a treble clef and a key signature of one sharp. The fourth staff has a treble clef and a key signature of one sharp. The fifth staff has a treble clef and a key signature of one sharp. The score includes various chords (G, D, D7, G, C, G) and a section marked "3. Strophen".

Mängisch brönn't's, u wie's öppe so geit,  
chunnt's, dass ou ds Sprütze nüt meh abtreit,  
sogar we das Huus es Pfarrhuus isch,  
die brönne haut ou,  
momou.

Am Tag druuf chöme ganz Zylete Lüt,  
si sägen am Pfarrer: "E das macht doch nüt! "  
Si bringen ihm Chüeche, Hammen un Eier;  
u einen e haubi Sou,  
momou.

Dr Pfarrer het aune tanket u seit:  
"Öier Gschänk hei mi würklech gfröit,  
doch die geischtige Wärte, won i ha verlore,  
die chöi weder Chüeche no Färlimore  
mir wider ersetze,  
nenei.

Aus, won i einisch ha gredt un ersunne,  
vierhundert Predige, die sy verbrunne."  
Da seit ihm e Puur: "Jää, gäuet däich wou,  
so trocheni Ruschtig brönn't haut de tou,  
momou."